

შინაური საქმეებზე

ყოველკვირული გაზეთი.



№ 6.

თბილისი, თბილისი 8, 1909 წ.

ფასი წლიურად — 4 მან.
ნახევარი წლით — 2¹/₂ მან.

ცალკე ნომერი ღირს 10 კაპეცია.
აღრახი: ქუთაისი „შინაური საქმეების“ რედაქცია.

შინაური: სარწმუნოება და მეცნიერება—ნაცარყანელისა; ზნეობრივი გადაგვარება—ე. ჩ.—ძე-სა; პირველი ფურცელი ბიბლიისა—ონოფრე მწირისა; ილია ჭავჭავაძე—ხომელისა; კვირიდამ კვირობამდე; სკოლების რევიზიისა და მართვა-გამგეობის ახალი საშუალება—კინკილეულისა; ყველაფერი თქრო არ არის, რაც ბრტყევი-ლებს; ფიქრნი და მოგონებანი საქართველოს ეკლესიის აწმყო და ყოფილ მდგომარეობაზე—(წერილი არქ. სერგისა).

რედაქცია უმოზრჩილესად სთხოვს ხელის მომწერთ

წარმოადგინონ 1908 წლის ხედეტი ფასი.

შემოწირულება იათ სამეურნეო წიგნების გამოსაცემად

(იხ. № 5 „შინაური საქმეებისა“ წერილი ნ. მკურნალისა.)

ბატონო რედაქტორო!

გთხოვთ მი-ლოთ ჩემმიერ შეგროვილი წვლილი, რომელიც შემოასწირეს შემდეგმა პირებმა:

თავადმა ელიადიმერ ივლიანეს ძე		
იაშვილმა	—	— 10 მან.
ან. ვაკატერ ნა მიქელაძისამ	—	1 „
თავ. ლევან მიქელაძემ	—	1 „
ადლოფ გრეიბოვსკიმ	—	— 50 კ.
პლატონ შარაშიძემ	—	— 20 კ.
კონსტანტინე მკურნალმა	—	1 მან.
ბესარიონ გაბუნიაშვილმა	—	— 30 კ.
გრიგოლ გვეტაძემ	—	— 50 კ.
სულ	14 მ.	50 კ.

აღ. მკურნალისა.

ყოველკვირული გაზეთი

„შინაური საქმეებზე“

ხელის მოწერა მიიღება რედაქციაში ქ. ქუთაისში (საბურთალო—კახაკოვის—შესახვევში № 17) და საეპარქიო საბჭოში—წლიური ფასი 4 მან. ნახ. წლით 2¹/₂ მან. ცალკე ნომერი ღირს 10 კაპ. გაზეთი ღებულობს დასაბეჭდად ყოველგვარ განცხადებას. დარჩენილი ნომრები ახალ ხელის მომწერ-ლებს დაეთმობა 1 მან. და 50 კაპ.

სარწმუნოება და მაცნეობა.

ჩვენს განათლებულს დროშიც არის ცრუ მორწმუნეობა. ბევრს ეხლაც სჯერა, რომ მეცნიერება და სარწმუნოება ეწინააღმდეგებიან ერთმანეთს, რომ მეცნიერი კაცი ვერ იქნება ქრისტიანად; ზოგნი მხოლოდ განუსჯელად და მოუფიქრებლად იმეორებს ამ ცრუ მორწმუნეობას იმის მაგივრად, რომ ცოტა გაანძრონ ტვინი და ჩაუყვირდნენ ამ საკითხს. მკრამ იმ გვარი პირებიც კი არიან, რომლებსაც აწუხებთ ეს უთანხმოება სარწმუნოებასა და მეცნიერებას შორის. თუ ვისმე სურს შეიძი-



ნოს მტკიცე და შეგნებული სარწმუნოება, მან უნდა განიცადოს ეს უთანხმოება და სძლიოს იგი; ამისთვის კი საჭიროა გულწრფელი ძიება სიმართლისა და მტკიცე გადაწყვეტილება, რომ მოიხრი ქედს მის წინ, თუნდაც მწარე იყოს ეს სიმართლე.

I.

პროგრესი საბუნების-მეტყველო მეთოდებისა.

საბუნების მეტყველო მეცნიერებამ ჩვენს საუკუნეში დიდი ნაბიჯი წასდგა წინ; ბუნების მეტყველება ეხლა ჰყვავის და დიდს პატივისცემასთან თანამედროვეთა შორის. ეს ასეც უნდა იყოს, რადგანაც ჩვენი მთელი ცხოვრება ამოწმებს ბუნების მეტყველების წინსვლის და გამარჯვებას. რაღა სათქმელია ეხლა მოგზაურობა ჩარდახიანი ურმათ ან ტროიკით! ეხლანდელი ჩქარი მატარებლისთვის არაფერია მთები, გორები, ხევები და მდინარეები; გარბის გაჩქარებული და ქვეყნის ერთი მხრის ხალხი გადაჰყავს მეორეში. ეხლანდელი დიდი ორთქლითმავალი გემები ხომ თითქმის სულაღრადად აგდებენ ზღვის ღელვას და ტალღებს და რაოდენიმე დღის განმავლობაში ძველი ქვეყნიდან ახალში გადაჰყავს მგზავრები. ელვაც კი დაიმორჩილა კაცმა; ელექტრონის საშუალებით დამე ჩვენი სადგომები და ქუჩები ისეა განათებული, როგორც დღისით მზის სინათლით; ელექტრონის ნაპერწკლები სწრაფად გადიან ოკეანებს და ხმელეთს და გადააქვთ იქ ჩვენი ხმა, აზრი, ბრძანება; ეს გამარჯვება საბუნების-მეტყველო მეცნიერებისა ფრიად თვალსაჩინოა; ჩვენ ისე შევეჩვიეთ მას, რომ რაოდენიმე დღე რომ მოგვაკლდეს ის მოწყობილობა, რომელიც შეგვძინა ბუნების-მეტყველებამ, ძალიან უხერხულს მდგომარეობაში ჩავცვიდებით.

განვითარებული ტექნიკა ხელს უწყობს ქვეყნის მეცნიერულად გამოკვლევას. ეხლანდელი ტელესკოპის მეოხებით ვარსკვლავთ-მრიცხველებმა ისეთი ვარსკვლავები აღმოაჩინეს, რომელთა არსებობა ეჭვადაც კი არ მოსდით დათ ამ ორმოცდაათი წლის წინად; მიკროს-

კოპის შემწეობით კი მეცნიერებმა აღმოაჩინეს მთელი ქვეყანა მცირეზე უმცირეს ნაწილებისა და ცოცხალ არსებათა. მაშინებით, ელექტრონით, ორთქლის ძალით გაადვილდა მუშაობა, გაიხსნა ახალი გზები ადებ მიცემისა, მრეწველობისა, წარმოებისა. გაუმჯობესებული ტექნიკა ხელს უწყობს წიგნთ ბეჭდვას, ხელოვნების განვითარებას, მეურნეობას მიწად მოქმედების გაუმჯობესებით. ამიტომ სრულიად სამართლიანია და დამსახურებული ის პატივი, რომელიც აქვს ბუნების-მეტყველებას საზოგადოებაში.

ბუნების მეთოდების მნიშვნელობა ქრისტიანებისთვის.

ქვეყანაზე უღვთოდ არა ხდება-რა; მისი ნებით არის, რომ ასე ბრწყინვალედ განვითარდა ბუნების მეტყველება და ასეთი სარგებლობა მოუტანა კაცობრიობას. ამ მეცნიერების ესე განვითარება და შედეგი ამ განვითარებისა არის აღსრულება შემოქმედის ბრძანებისა, რომელიც მან მისცა სამოთხეში აღამს და ევას: „ეუფლენით ქვეყანას“ (შექმნ. 1, 28). ყოვლად მოწყალე ღმერთმა ინება მიეცა თავისი შვილებისთვის საზრდოობის ახალი წყაროები, მოქმედების ახალი მხარეები და ამიტომ მისცა მათ სამსახურებელად ცეცხლი, ელექტრონი, ორთქლი, სინათლე და ჰაერი; ინება მან შემსუბუქება ცხოვრების ტვირთისა და მისცა მათ რკინის მაშინების ხელები. მან გაშალა კაცის თავზე ლაყვარლი კარავი და აჩვენა კაცის თვალს იმგვარი სივრცე სიღრმენი, რომლებიც მას ვერც კი წარმოედგინა. მან ნება მისცა კაცს ჩაეხედნა წყლის სულ მცირე წვეთშიც კი და დაენახნა შიგ ცოცხალი არსებანი, რათა გვაჩვენოს, რომ ყოველივე მას უპყრია ხელში.

ქრისტიანს უნდა ახარებდეს ასეთი წინსვლა საბუნების-მეტყველო მეცნიერებისა; ის უნდა მადლობდეს ღმერთს, რომელიც მეცნიერების და ცხოვრების ახალ აღმოჩენებში ასე საკვირველად აცხადებს მზრუნველობას ჩვენზე; ვისაც არ მოსწონს ბუნების მეცნიერების წინსვლა და შურით უცქერის მას, ის უარყოფს

ყოველად შემძლებლობას. მეცნიერება ღვთის ხელში არის საშუალება კაცთა ნათესავის კეთილდღეობისა, ერთა შეერთებისა და სასუფეველის გაგრძელებისა.

II.

განხეთქილება მეცნიერებასა და ქრისტიანობას შორის.

პირდაპირ შევხედოთ ჩვენი დროის დიადს წინსვლას! მაგრამ, რადგანაც აწინდელი კულტურის წინსვლას ჩრდილიანი მხარეებიცა აქვს, ვეცადნეთ, რომ ჩვენი ქება-დიდება ცალმხრივი არ გამოვიდეს. ბუნების ძალთა შესწავლამ ზოგიერთნი ისე გაიტაცა, რომ შესუსტდა სულიერს ცხოვრებაზე ზრუნვა. ერთი პროფესორი, თანამედროვე ცხოვრების კარგა მკოდნე ამბობს: „ჩვენ იმდენად დავიუფლეთ ბუნება, რომ უწინდელს ეს ზღაპარი ეგონებოდათ; მაგრამ მაშინ, როცა ჩვენ გარეგანად გავიმარჯვეთ ნივთებზე, მათმა შექანიზმმა შინაგანად დავგიუფლო ჩვენ დი დაიქირა ყველა ჩვენი დამოკიდებულებანი.“ მართლაც, და ბევრისთვის ბუნება გახდა რაღაც თაყვანის საკემ კერპად. ღმერთი, სული, უკვდავება აიგდეს საკინლად, როგორც საბავშო ზღაპრები. ამათან ერთად ზნეობრივი ცხოვრებაც ჰკარგავს თავის საფუძველს და ღირსებას. ბევრმა ზურგი შეაქცია ქრისტიანობას, თითქმის ის მართლა ძლეულ იყოს მეცნიერებისგან.

რისგან მოხდა ეს განხეთქილება ქრისტიანობასა და საბუნების-მეტყველო მეცნიერებას შუა? თუ საგანს ისტორიული მხრით შევხედეთ, აღმოჩნდება, რომ ამაში ორთვენი არიან დამნაშავენი: ქრისტიანობისა და ბუნების მეტყველების წარმომადგენელიც. აკლესია ხშირად აბრკოლებდა საბუნების-მეტყველო მეცნიერების განვითარებას და ამის გამო მრავალთა შორის ფეხი მოიკიდა იმ აზრმა, რომ იგი ვერ რიგდება მეცნიერებასთანაო. მწუხარებით თუნდა გავიხსენოთ ის არა ქრისტიანული მკურნაობა და ზოდები, რომლებიც ეკლესიამ იხმარა ზოგიერთ დიდბუნების მეტყველთა და ფილოსოფოსთა შესახებ. გალილეის,

ჯორდანო ბრუნოს და სხვათა ისტორია ღრმა ცთომილების სახსოვარია. ამგვარი სასტიკი მოპყრობა აიხსნება მითი, რომ მაშინდელს თეოლოგებ-ღვთისმეტყველებს საღვთოწერილი წარმოდგენილი ჰქონდათ, როგორც უცთომელი სახელმძღვანელო წიგნი ბუნების შესასწავლად, ამიტომ დიდ წინააღმდეგობად მიანჩნდათ სწავლა შესახებ იმისა, რომ დედამიწა ტრიალებს და მზე კი სდგას, რომ დედა მიწა არის რვეალი სფერის მსგავსი და არა ბრტყელი. ეს ღვთისმეტყველები ეძებდნენ საღვთო წერილში იმას, რაც მაში არ იყო. დაბადება მოგვითხრობს დედა მიწისა და ცის მნათობების შესახებ უბრალო მხედველობის, გრძობის ენით, ე. ი. ისე, როგორც საგნები წარმოუდგება ჩვენს თვალს,—ხედავდა შექმნათა წიგნის დამწერი, რომ მზე ჩადის და ამოდის დედამიწა კი სდგას და დასწერა დედამიწა სდგასო, მზე კი იძვრისო. მოსე წინასწარმეტყველს სულ არა ჰქონია მიზნად მოეცა ასტრონომიული და გეოგრაფიული ცნობები.

საბუნების-მეტყველო მეცნიერებებიც დამნაშავენი არიან ზემოხსენებულ ცრუ მორწმუნეობის გაგრძელებაში. ბევრმა მათგანმა ათეიზმი და მატერიალიზმი აწინდელ მეცნიერების აუცილებელ შედეგად გამოაცხადა; სწორედ გასაკვირველია ზოგიერთ მეცნიერთა საქციელი ქრისტიანობის და სარწმუნოების შესახებ. სპეციალურ სამეცნიერო საკითხებს ისინი იკვლევენ მეთოდურად, გულდადებით, სიფრთხილით და მხოლოდ ამ გვარ მეცადინეობის შემდეგ აქვეყნებენ თავისს აზრებს და დასკვნას ამა თუ იმ საკითხის შესახებ; მაგრამ თუ საქმე მიდგა სარწმუნოების საგნებზე, ისინი არ დაგიდევენ არაგვარ კრიტიკულ გამოკვლევას, სფთხილდეს, მეცნიერულ წინდახედულობას და სულ უცნაურ და საკვირველ აზრებს ავრცელებენ ხოლმე. ამისი მავალითია გვეყელი. მან მოისურვა შეესუსტებინა სინამდვილე ჩვენს სახარებებში მოთხრობილ ამბებსა, რომლებიც პირველ საუკუნეშია დაწერილი და თავისი უსაბუთო აზრის დასამტკიცებლად მოიყვანა ურიებისგან მეცამეტე საუკუნეში შეთ-


ხსული ზღაპარი. მაგრამ, ღვთის წყალობა გაქვს, კაი პასუხი იმან მალე მიიღო. „მე ვკითხულობდი ამ წიგნს (გეკველის წიგნს „მსოფლიო გამოცანებში“) და სირცხვილისაგან ვიწვევბოდი. საშინელებაა, რომ შესაძლებელი ყოფილა ამისთანა წიგნის დაწერა, დაბეჭდვა, ყიდვა, წაკითხვა, რომ მან გამოიწვია გაკვირვება და ნდობაც კი,“ ამბობს პაულსენი. გეკველმა ამ კრიტიკაზე კრინტი არ დასძრა. საკვირველი კიდევ ისაა, რომ მეტი ნაწილი ბუნებისმეტყველთა სარწმუნოების შესახებ იმავე აზრისანი არიან, რომლებიც გაბატონებული იყვნენ მეთვრამეტე საუკუნეში. მათი აზრით სარწმუნოება არის მღვდლებისგან გამოგონილი სიცრუე ძალიან გამოსაყენებელი უსწავლელ ხალხთა დასაბრკივებლად. ამ სწავლოლებისთვის სულ უცნობია ის დიდი ნაბიჯი, რომელიც წადგა წინ საღვთისმეტყველო მეცნიერებამ სარწმუნოების ისტორიაში. ამ ორმოცოდე წლის წინად კიდევ ეგონით, რომ არიან ურწმუნოები (ურელიგიო) ერები, რომ სარწმუნოება სპეციალური მოვლინებაა შეთხზულ-გამოგონილი ზოგიერთ საზოგადოებრივ მიზნთა მისაღწევად. ცხლა კი ეს შეუძლებელი გახდა. მეცნიერებამ სცნო სარწმუნოება კაცის ბუნების არსებით თვისებად. რატცელი ამბობს თავის ეტნოგრაფიაში: „ეტნოგრაფია არ იცნობს უსარწმუნოებო (ურელიგიო) ერებს“. თუ სარწმუნოებრივს ლტოლვილებას საფუძველი აქვს კაცის ბუნებაში, ცხადია, რომ უიმედოთ უნდა ჩაითვალოს ცდა სარწმუნოების მეცნიერებად შეცვლისა.

უწინ დარვინი მედიდურად ეპყრობოდა სარწმუნოებას. ქვეყნის გარშემო მოგზაურობის დროს მან გაიცნო ცეცხლოვან კუნძულის მცხოვრებნი (სამხრეთ ამერიკის ნაპირებზე), რომლებიც თითქმის განხორციელებულ ქაჯებად აღწერა. მას არ უნდოდა ეს საცოდავები ეცნა ადამიანებად, თავის ძმებად, ჰფიქრობდა, რომ ისინი მხეცებთან უფრო ახლო არიან, ვიდრე ადამიანთან, მათი ლუღლუღი ენად არც კი ჩათვალა; შემდეგ კი აღმოჩნდა, რომ მათ ჰქონდათ ოცდა ათი ათასი სიტყვა, მაშინ, როცა შექსპირისთვის ათი ათასი სიტყვა საკმა-

რისი იყო უკვდავ თხზულების დასაწერად. რავდენიმე ხნის შემდეგ დარვინმა კიდევ ნახა ცეცხლოვანი კუნძულის მცხოვრებნი, მაგრამ უკვე გაქრისტიანებულნი. განცვიფრებულმა თითქმის დაუჯერებელ გარდაქმნით, მან ეს გამარჯვება აშკარად მიაწერა საქრისტიანო მისის გავლენას, შესაფერად მოიხსენა ის მოგზაურები, რომლებმაც ეს ვერ შენიშნეს, ან დაავიწყდათ და ყოველ წლივ ემხარებოდა მისიას შეწირულობით. თანამედროვე ბუნების მეცნიერნიც, რომ ესრე პატიოსნად ექცეოდნენ სარწმუნოების საგნებს, დიდი ნაბიჯი იქნებოდა წადგმული წინ ქრისტიანობის და ბუნებისმეტყველების შესარიგებლად.

ნაცარყანელი.

(გაგრძელება იქნება).



ზნეობრივი გადაგვარება.

(დასასრული*).

„ყოველსა. რომელსა აქენდეს, მიეცეს და მიემატოს; და რომელსა არა აქენდეს, და რომელსა იგი აქენდეს, მოველოს მისგან (მტ. თ. 25, მ. 29)“

იესო ქრისტემ, აუხნა რა თავის მოწაფეებს მათი დანიშნულება ამ ქვეყანაში, უთხრა მათ: „თქვენ ხართ მარილი ქვეყნისა“ (მათ. 13 მ.). როგორც მოგვხსენებთ, მარილი იხმარება საქმელში გემოს მისაცემად და გაფუჭებისაგან შესანახათ. უმარილოთ საუკეთესო საკმლებსაც არ აქვს გემო და, რაც უნდა ახალი სანოვავე იყოს, ადრე ღვება. და აი ქრისტეს სიტყვით რაც მარილია საქმლისათვის, ის უნდა იყოს სახარება ცხოვრებისათვის, ხოლო მისი მიმდევარნი კი — კაცობრიობისათვის. არსებითი გაუმჯობესობა შეიძლება მხოლოდ მაშინ, თუ ის მთლად გაიმსქვალება სახარების სიმართლის და სიყვარულის სულით. ჩვენი მუდმივი ფიქრების და წმინდა ოცნებათა განხორციელება საერთო ბედნიერებაზე არ შეიძლება ისე, თუ

* იხ. „ზინაური საქ.“ № 1.

განუწყვეტლად და დაულალავად არ ვიმუშავებთ, როგორც თვით ჩვენში, ისე მოყვების გულშიაც ღვთის სასუფეველის დამყარების შესახებ. თუ ეს პირობები არ იქნა დაცული კაცობრიობის ცხოვრებაში, ისე ცივილიზაციის წარმატება იქნება მხოლოდ მოჩვენებითი, უმნიშვნელო, და არა ნამდვილი, მკვიდრი და დაურღვეველი. ამაში ცხოვრება ყოველ ნაბიჯზე მწარე გამოცდილებით გვარწმუნებს ჩვენ.

დაფიქრებულხარტ როდისმე ასეთ აზრზე, რამდენი საუცხოვო ქვეყანაა დედამიწაზე მშვენიერი ბუნებით, მაღლიანი ჰავით, ნაყოფიერი ნიადაგით, გვეგონებათ, რომ აქ ღმერთს ყველაფერი შეუქნია მხიარული და ბედნიერი ცხოვრებისათვის, მაგრამ აქაც, როგორც ყოველგან, იღვრება ცრემლები, ისმის გმინვა-კვნესა და ცხოვრების წყევლა-კრულვა! როგორ გასაოცარი სისწრაფით გავითარდა ცხოვრების ყოველგვარი მოწყობილობები, მაგრამ ამით ბედნიერება არც დაგვიახლოვდა და არც უფრო მისაწვდომი გახდა. შოპენგაუერის და გარტმანის ფილოსოფია, რომელიც ასწავლის, რომ ცხოვრება ბოროტებაა და სიკვდილი კი უმალლესი სიკეთე—ამ საუკუნის ნაყოფია. რისთვისაა ეს ასე? ჩვენ ხელთ გვაქვს მრავალი სხვა და სხვა საშუალებები ადამიანისათვის ბედნიერების მოსაწყობად და რაღა გვაკლია კიდევ?

გვაკლია რაც უმთავრესია, გვაკლია ის, რასაც ქრისტე უწოდებს „ქვეყნის მარლის“; გვაკლია ადამიანებს სახარების სიყვარული და სიმატე. უამისოდ კი ცხოვრება ქვეყნის სატახტო ქალაქებში და მდიდრულად მორთულ დარბაზებშიაც უფრო უბედურია, ვინც ბედუნიების ტალკასებში და ესკიმოსების ალაჩუხში. (აქ) ცხოვრების მოწყობილობა, რასაკვირველია, მეტი იქნება, მაგრამ ბედნიერებას ის მაინც ვერ მოგვცემს.

წაიკითხეთ ედმ. ამიჩის „მაროკოს აღწერიდან“ საინტერესო გვერდი. — „დღეს ამბობს ავტორი, — მქონდა ცხარე საუბარი ზანგ ვაქართან. დავუწყე კამათი, მინდოდა შემეტყო, თუ რა აზრის იყო ის ჩვენ ცივილიზაციაზე, რადგანაც ის ბევრს მოგზაურობდა და შემთხვევა ქონდა პირადი დახლოვებით გაცივრო ის.

რას იტყვით ჩვენ დიდ ქალაქებზე? ვკითხე შემან დაკვირვებით შემომხედა და ცივად მიბასუხა: რას ვიტყვი?... დიდი ქუჩებია, მაღალიები და სისახლეები. ყველაფერი წმინდათ არის მოწყობილი. განა სხვა არაფერი არის კარგი? მოუთმენლად ვკითხე მე. ნუ თუ არ გაგაოცათქვენ ჩვენი საზოგადოებრივი ცხოვრების უპირატესობამ თქვენსაზე? მაშ, ამას შემდეგ რითი უნდა გაგაკვიროთ? ნუ ცხარობთ, მომიგო მოსაუბრემ—რაში მდგომარეობს თქვენი უპირატესობა? ბატონსებაში თუ? მაგრამ ეს ხომ ტყუილია. ჩვენ თქვენზე უფრო ბატონსები ვართ. მართალია ხან-და ხან ზანგები ატყუებენ ევროპელებს, მაგრამ ევროპელები ყოველთვის ატყუებენ მათ. მაშინ ჩამოვუგდე ამბავი ჩვენი ცხოვრების მოწყობილობაზე. „დი-ახ, ვიცი! გაიცინა ზანგმა. მართლა ამაში კი თქვენ ნამდვილ დახელოვნებულნი ხართ. აქ იმან დაიწყო დაცინვის კლოთი ჩამოთვლა: მზეში—ქოლგა; წვიმაში—ქოლგა; მტვერში—ხელთათმანი; სიარულის დროს—ბატარა ჯოხი; საშხერად—სათვალები; თითი აგტივდებათ—ეკიმი, მოკვდებით—ძვლი... რამდენი საგნებია, რომელთაც თქვენ ვერ მოსცილდებით. რა აღმნიანები ხართ თქვენ? თქვენ სწორეთ მოზრდილი ბავშვები ხართ!... არა, — მე არ გაგიცვლი თქვენ ჩემ მდგომარეობას, ცხოვრების მოწყობილობა თქვენ მეტი გაქვთ, მაგრამ სამაგიეროდ ჩვენზე უფრო უბედური ხართ“.

მერმე მიაპყარით თქვენი ყურადღება შემდეგ შედარებას. წითელ-კანიან ინდოელებს საიქაო ცხოვრება წარმოდგენილი აქვთ, როგორც საიქაო ცხოვრების გაგრძელება. იმათ სწამთ, რომ დიდი სული გადაიტანს იმათ ნადირით სავსე ველ-მინდვრებში. აგრეთვე ახალი ზელანდიის მეომარ მოარებს სიკვდილის შემდეგ ცხოვრება წარმოდგენილი აქვთ, როგორც შეუწყვეტელ ომიანობათა მთელი რიგი, რომელშიდაც იმარჯვებენ ყოველთვის ნეტანი. ძველ გერმანელებსაც ასეთი იმედი ქონდათ. ეს მაგალითები გვიმტკიცებენ, რომ ხსენებულნი ხალხნი, ჩვენთან შედარებით კულტურის უფრო დაბალ საფეხურზე მყოფნი, უფრო კმაყოფილნი იყვნენ თავის ცხოვრებით. იმათ საიქაო ქვე-

ყანა, რომელიც სხვა და სხვა სარწმუნოების ხალხებს სხვა და სხვა საუკეთესო ფერად ქონათ დახატული, წარმოდგენილი ქონათ, როგორც გაუმჯობესებული და სრული გაგრძელება ამ ქვეყნიური ცხოვრებისა. ესეა ვკითხვით თავის თავს, დავკმაყოფილდებით ჩვენ საიქიოს აქაური გაუმჯობესებული ცხოვრებით? ისურვებს მაგ., მუშა წარმოდგინოს საიქიო ცხოვრება ერთ დაუბოლოებელ გძელ საქსოვად; ჯარის კაცი—გაუთავებელ ომიანობად, ალღუმებად და პარადებად. მოხელე—როგორც უსაზღვრო დებერატამენტად, ვაჭარი—დიდ მალაზიებად და საქონლების საწყობად?

განა ყველა ეს არ გვეუბნება მქერმეტყველურად და ნათლად, რომ თანამედროვე ცივილიზაციის წარმატება-განვითარება დაშვარებულია ეკონომიურ მატერიალიზმის საფუძველზე და აძლევს ადამიანს უმთავრესად ცხოვრების ადვილად მოწყობის საშუალებას, და მარტოს ადამიანს ვერ შეუქნის ნათელს და სასიამოვნო ცხოვრებას, თუ ადამიანი ზნეობრივად არ გადაიბადა, და თუ საზოგადოება არ მოეწყობა სახარების სიყვარულის და სიმატლის ნიადაგზე? თვინიერ სახარების სწავლისა ცხოვრება ისეთივე იქნება, როგორც არის საქმიანი უმარტილოდ, არ შეუძლია ქონდეს ჩვენი ხსიათის დამაკმაყოფილებელი „გემო“, — ის აუცალვლად წახდება, გაიხრწნება და დაეცემა. და როგორ ავიცილებთ ამას, თუ უარს ვყოფთ ცხოვრებას, რომელიც გვიქადაგა ქრისტე უფალმა? როგორ შევიტანთ სიკეთეს გარყვნილების და მცონარეობის ქვეყანაში, როგორ შევიტანთ სიყვარულს თავმოყვარეობის ქვეყანაში და ჭეშმარიტების შუქს — ბოროტების და უსამართლობის ქვეყანაში, თუ თითონ ჩვენ არ გვაქვს იგი ნი, თუ სავსებით არ გვესმის იმათი აზრი და არ განვიცდით თავის თავზე იმათი სიდიადის მომხიბლობას? ჭეშმარიტების, სიკეთის და სიყვარულის გრძნობა და ცნობა კი შეიძლება მხოლოდ სახარების კითხვით და შესწავლით, ესე იგი ქრისტეს გაცნობით. „იციანთ ჭეშმარიტება, — ამბობს იესო ქრისტე, — და ჭეშმარიტება განგათავისუფლებს თქვენ“.

ე. ჩ.—მე.

X პირველი ფურცელი ზიბლიისა.

(პროფ. ბეტეკისია)

(გაგრძელება*)

მზე, მთვარე და ვარსკვლავები.

და სთქვა ლმერთმან: იქმენილ მნათობნი სამყაროსა შინა ცისასა მნათობად ქვეყანისა, განსყოფელად შორის დღისა და შორის ღამისა და იყენედ სასწაულებად, ესმებად და დღეებად და წელიწადებად და იყენენ განმანათლებლად სამყაროსა ცისასა, რათა ნათობდენ ქვეყანასა ზედა და იქმნა ეგრეთ, და შექმნა ლმერთმან ორნი მნათობნი დიდნი: მნათობი დიდი მფლობელად დღისა და მნათობი უმარწმესი მფლობელად ღამისა და ვარსკვლავები და დასხნა იგინი ლმერთმან სამყაროსა ცისასა: რათა მნათობდენ ქვეყანასა ზედა და მთავრობდენ დღესა და ღამესა და განაწვალდენ შორის ნათლისა და შორის ბნელისა. და იხილა ლმერთმან, რამეთუ ქეთილ და იქმნა მწუხრი და იქნა განთიად დღე მეოთხე.

წელან დავინახეთ, რომ პირველი მცენარეები, რომლებიც ნაშთსაც ვხედავთ დღეს ქვანახშირის სახით, აღმოსცენდა წინეთ, ვიდრე მზე გაანათებდა დედამიწას, ე-ი სხვა სინათლის ქვეშ, რომელიც შეიცავდა დედამიწას თანასწორ-ზომიერად. საიდან გამოდინარნობს ეს სინათლე, ვერ ავხსნი; და აქაც, როგორც ასობით სხვა შემთხვევებშიაც, ჭეშმარიტად ბრძენი ამბობს: „არ ვიცი“.

მაგრამ ეს კი ვიცით, რომ რაოდენიმე ხნის შემდეგ, შესაქმის მოეთხე დღეს პირველად გამობრწყინდა ცაზე ორი მნათობი, რომელთაგან ერთი მართავს დღეს, მეორე კი ღამეს და რომლებსაც ვხმარობთ დროთა გასაყოფად. მარტოდ ეს დიდ-მნიშვნელოვანი დანიშნულებაა, რადგანაც ჩვენი უკეთესი ხრონომეტრებიც (დროს საზომი) ვერ აღგვინიშნავდა დიდი ხნის განმავლობაში დროს სისწორით; მხოლოდ ცის სხეულნი წარმოდგენენ ეამის

* იხ. „შინ. საქმ.“ № 3.

სრულიად საიმედო საზომს, რომელიც არასოდეს უკან არ იჩნება და არც ჩქარობს ერთი წუთით, ერთი წამითაც. უმათოდ საშინლად აირ-დაირეოდა დროთა განსაზღვრა, უმათოდ აღამიანი ვერც შეიძლება დროის განსაზღვრასა და გაყოფას, რადგანაც იმათგან არის დამოკიდებული გაყოფა დროსი დღედ და ღამედ, თვეებად და წელიწადებად. დროთა განსაზღვრელად და გაუყოფელად კი რაოდენადმე მაინც განწესრიგებული კაცობრივი ცხოვრება შეუძლებელი იქნებოდა აი რისთვის მთელს საღმრთო წერილში, ქვეყნის შექმნიდან დაწყებული, სჯულსა და წინასწარმეტყველებში, იოანე ღვთის-მეტყველის გამოცხადებითურთ, დროთა და ჟამთ აკუთვნებენ ჩვენთვის ჯერ კიდევ აუხსნელს დიადს მნიშვნელობას. გავიხსენოთ მხოლოდ სიტყვა: „ოდეს მოიწია აღსასრული ჟამთა“; სიტყვა ქრისტესი: „არღა მოწიენულ არს ჟამი ჩემი“, და მრავალი ადგილი გამოცხადებიდან, როგორც მაგალითად, 12, 14; 10, 6 და სხვა მრავალი.

ამ გვარად მზე, მთვარე და ვარსკვლავები არსებობენ, რაა გვიანათონ და დრო გავიყონ. მაგრამ დიდი შეცთობა იქნება, ვიფიქროთ, რომ ამაშია მთელი მათი მნიშვნელობა. ეს იგივე იქნებოდა, რაც, გლახაკი რომ ღებულობდეს ყოველ დღე გამვლელ მეფისგან მოწყალებას და განიზრახოს, რომ ამისთვის მხოლოდ არსებობს მეფე ქვეყნად და სხვა მიზანი არა აქვს.

არა, ეს ძლიერნი ქმნილებანი ღვთისა ჩვენთვის მხოლოდ კი არ არსებობენ, არამედ ღვთისა სადიდებლადაც; იგინი მიუთხრობენ დიდებასა მისსა და გარდა ამისა ასრულებენ კიდევ სხვას, ჩვენთვის უცნობს, დანიშნულებებს. ასე, მზე მარტოდ პატარა დედამიწას არ ანათებს, არამედ კიდევ ორასზე მეტს პლანეტას, მათს რიცხვში დიდ-მშვენიერს დიას (იუპიტერს) მისი ოთხ თანამგზავრიანად და ღრუბლოკან კრონოსს (სატურნს) რვა თანამგზავრიანად, რომელთაგან პირველი 1400 მეტია ჩვენს დედამიწაზე. მზე გარდა იმისა, რომ ანათებს ცის ამ სხეულებს, აიძულებს კიდევ ყველა ამათ თავის ძლიერ მიმზიდველობით იტრი-

ალონ მზის გარშემო, როგორც საერთო შუაგულისა და შეუყენებლად მიაჭროლებს მათ განუსაზღვრელ ვარსკვლავიან სივრცეში.

საღმრთო წერილი რომ, კაცობრიულ თვალთსაზრისზე მდგომარე, სხესა და მთვარეს მთავარ მნათობებად იხსენიებს და ვარსკვლავებს კი მხოლოდ გაკვრით ეხება, ეს სრულიად ბუნებრივი და გასაგებია. უცთომელ დაკვირვებით და გამოანგარიშებით ვიცით, რომ მთვარე მრავალათასჯერ ნაკლებია ცაზე ბრწყინავ უნძრავ ვარსკვლავებზე და რომ მას მზესთან შედარებით, რომელიც მილიონჯერ მეტია მზეზე, ფრიად დამოკიდებული და უმნიშვნელო ალაგი უჭირავს მზის კრებულში. მაგრამ ღმერთმან თავისი სიტყვა მთელს კაცობრიობას მისცა; კაცობრიობას კი მხოლოდ რაოდენიმე ათას ნასწავლ და განათლებულ აღამიანების ჯგუფი არ შეადგენს; კაცობრიობა მილიონნი ლუკმა პურის ოფლით თვისით მომპოვებელთა, რომელთაც არაფერი იცინ ვარსკვლავ-მრიცხველობისა და საბუნებისმეტყველო მეცნიერებათა შესახებ, მაგრამ ღვთის მამობრიულ გულთან იმდენადვე, თუ არა უფრო, დაახლოვებულნი არიან, ვიდრე ზოგი დიდი სწავლული. როდესაც ღმერთს ნებავს ელაპარაკოს ყველა ამ ბავშვებს, ელაპარაკება მათ გასაგებად, მარტივად, ჩვეულებრივის კაცობრიულ ენით, ასე, რომ მათ ესმისთ მისი. საყვედური, რომ ბიბლია არ ლაპარაკობს სამეცნიერო ენაზე, ყველა საყვედურზე უფრო უსაფუძვლოა. ბიბლია რომ „მეცნიერულად“ ლაპარაკობდეს, — რას მისცემდა მილიონობით მეცნიერულად განუვითარებელ აღამიანებს?

დედამიწა (ანუ პლანეტები), მზე და მთვარე — ეს სამი მთავარი სახეა ცის სხეულთა მსოფლიოში... მზე მარტო ერთი არ არის: მილიონობით უძრავი ვარსკვლავები, მხოლოდ დიდ ღურბინდების შემწყობით დასანახები, ისეთივე მზეებია, იმდენადვე დიდები, ბევრნი კი ჩვენს მზეზე უდიდესნი, იმდენადვე მკხინვარენი და უმცხინვარესნიც; გვეჩვენებიან იგინი ასე პატარებად, რადგანაც დიდ მანძილით დაშორებულნი არიან ჩვენგან. ჩვენი მზის გარშემო

მარტო ერთი პლანეტა—ჩვენი დედამიწა არ ტრიალებს. მას გარშემო უვლის კიდევ 200 სხვა „დედამიწა“—ზოგი უფრო დიდი, ვიდრე ჩვენი, ზოგიც თითქმის ვირტემბერგის საკოროლოზე ნაკლები; ბევრზე, ჩვენი დედამიწის მსგავსად, არის ჰაერი და წყალი, დედამის და წელიწადის დროთა ცვლილება, ქარი და ღრუბელი, ხმელეთი და ზღვები, მთები და ვაკეები და თითქმის თოვლი და ყინული. არიან თუ არა იქ ცხოველი არსებანი, მცენარეები, პირუტყვები და უმადლესი მოახრე არსებანიც—აღარ ვიცი და რასაკვირველია ვერასოდეს ვერ გავიგებთ ამ ქვეყნად, გარნა მხოლოდ ახალ ქვეყანაზე. ამ გვარადვე ჩვენი თანამგზავრი—მთვარეც ერთად ერთი არ არის ცაზე; სხვა პლანეტებსაც ჰყავთ თავიანთი მთვარეები—ერთს ორი, მეორეს ოთხი; თითქმის ექვს-ექვსი და რვა-რვაც, ასე რომ, ლამეები იქ საუცხოვოდ განათებულია; ყველა ეს მთვარეები უფრო პატარებია, ვიდრე მათი დედამიწა რომლის გარშემოც ტრიალებენ. ამგვარად, სამი მთავარი ტიპია ცის სხეულთა, რომელნიც შექმნა ღმერთმან,—ეს არის დედამიწის, მთვარის და მზისა. რა ნაირია სახე დედამიწის ზედაპირისა,—ვაცით საკუთარ დაკვირვებათაგან; თუ რა ხდება მთვარეებზე, და თავდაპირველად ჩვენსაზე,—ამაზე კი ცოტა რამე. გაცივებული, მკვდარ-გაშეშებული, მაღალ და კლდოვან ნაპირებით დაფენილი, ვაშლილია მთვარის ზედაპირი მთელ თავის ვეებერთელა სივრცეზე; არ მოიპოვება მაზე არც ზღვა, არც ტბა არცა ტყე. ამ მთების სიმაღლეს ვარსკვლავ-მრიცხველნი ზომავენ მათი ჩრდილის შემწეობით. მთვარის მთების მრავალი მწვერვალი 20,000 ფუტამდე აღწევს, ე. ი. ბევრად მაღალია მონბლანზე—ევროპის უმაღლეს მწვერვალზე. ამ ხაოსურ ქვიან, დიდრონ და მკვეთრ ნაკვებიან სურათზე მზე ჰყენს თავის მცხინვარე, გაუნელებელ სინათლეს. რადგანაც მთვარეს არა აქვს ატმოსფერა, რომელიც მისცა ღმერთმა დედამიწას მეორე დღეს, ამისთვის მთვარეზე ცა ტრედის ფრად კი არ მოჰსწანს, არამედ სრულიად შავად და ამ ბნელ ნიადაგზე გამოჰყვეთს მზე მოუთმენელ სიმცხი-

ნვართ და თორმეტ საათს კი არა, როგორც ჩვენშია, არამედ მთელი თოთხმეტი დღე განუწყვეტლივ აყენებს იგი ტიტველ კლდეებს ცხარე პაპანაქებას, რომელშიაც ადვილ-სადნობი ლითონები დადნებოდა კიდევაც. მთვარეზე დღისით მზისით კაშკაშებენ ვარსკვლავნი მზის გვერდით უფრო მცხინვარედ, ვიდრე ჩვენსას ღამით, რადგანაც იქ არ არის ჰაერი, რომ შეაყენოს და დაარბილოს მათი სხივები. როდესაც მზე თოთხმეტ დღიან „დღის“ შემდეგ დაბოლოს ჩადის, მთვარის ვაკეებს სწრაფად, და არა თან და თან, უჰაერობასგამო,—ეფინება წყვილიადი, მაშინ როცა მათა მწვერვალნი კიდევ რაოდენიმე ეამი მცხინვარედ განათებულნი არიან. შემდეგ, იქ რომ ვიყოთ, დავინახავდით ჩასულ მზის ნაცვლად,—აღმოსავლეთისკენ ამომავალ დედამიწას საუცხოვოდ შვენიერ ბრწყინვალეობით. დედამიწა იქ 15 ჯერ უფრო დიდთ მოსჩანს, ვიდრე ჩვენ მიერ ხილული მთვარის დისკო; იმისი ხმელეთი, ზღვები, ღრუბლები, ყინულთა საუნჯენი პოლიუსებთან ბრწყინვალე და ბნელ ხალებით ასურათებენ მის ზედაპირს ისე, როგორც ვხედავთ ხოლმე ჩვენს მთვარეზე. ამინდის ანუ წელიწადის დროთა ცვლილება მთვარეზე აღარ ხდება. მთელის საუკუნობით მოგზაურობს იგი სივრცეში უცვლელად, გაცივებული და უსიცოცხლო; იყო, თუ არა იგი როდისმე და შენებული და გაცხოველებული—არ ვიცი. რავდენადაც ვიცი ასეთივე ნიშნები ახასიათებს სხვა მთვარეებსაც, მაგალითად, თანამგზავრებს დიასი.

სულ სხვაა მზეზე. თუ მთვარე სიკვდილის სამეფოა, მზე, რასაკვირველია, სამეფოა სიცოცხლისა, ძალისა, ცეცხლის ენერჯისა, რომელთაც გაქირვებით ვიმეცნებთ. თუმცა მზე მილიონჯერ უდიდესია ჩვენს დედამიწაზე, მაგრამ გვეჩვენება მთვარესავით პატარად, რადგანაც მთვარეზე 400 ჯერ უმეტესად დაშორებულია ჩვენგან; ეს უზარმაზარი ქვეყანა გამდნარ ლითონთა ნამდვილი ცეცხლის ოკეანეა, მრავალ ათასი მილი სიმაღლის აღში გახვეული. იქაური სიცხე წარმოუდგენელად ძლიერია და დაიზომება თითქმის ასი ათას გრადუს-

სობით (წინააღმდეგ შემთხვევაში მზე ვერ გაათბობდა ეგზომ სიშორიდან დედამიწას და მახედ მცხოვრებთ), და მასში რომ ჩვენი პატარა დედამიწა ჩაიგდოს, მხოლოდ სუსტაფეთქებას გამოიწვევს, ისე როგორც, სანთლის პატარა ბურთი რომ დააგდო სასამზარეულო კერაზე, — და ერთ წამს გაქრება ყველაფრინად, რაც კი არის მახე. ძლიერ დურბინდში შეგიძლიათ დაინახოთ, თუ როგორ ამ ვებებრთელა ბურთის შიგნიდან დროთი დრო ავარდება უზარმაზარი სვეტები რაოდენიმე ათას მილის სიმაღლეზე; ცოტა ხნის შემდეგ ეს სვეტები უკანვე ვარდება ცეცხლის ზღვაში და ცეცხლის ტალღებში ჩნდება ვებბრთელა ღრმა ძაბრები, რომლებიც მათვალაერებელს უფრო ბნელ ალაგებად ეჩვენება. ეს არის ევრეთ წოდებული მზის ხალები.

და ვარსკვლავნიც, წყნარად ცაზე მოციმიციმენი, ყველანი ისეთივე მზენი არიან, ისეთივე ცეცხლის ქვეყნები, მრავალი მთვანი მახე უფრო დიდია, ცხელი და მცხინვარე. ასე, მაგალითად, სირიუსი, ახალ გამოკვლევით, ყველაზე უმცხინვარესი ვარსკვლავი ცნობილ „იაკობის კვერთხის“ ქვეშ, თავის სიმცხინვარით 5000 ჯერ აღემატება ჩვენის მზის სინათლეს. წარმოიდგინეთ ასეთი მნათობი ჩვენს ცაზე! რასაკვირველია, მაშინვე დავიღუპებოდით დაბრმავებულნი და შემწვარნი. სხვანი ნაკლებ მცხინვარენი არიან, გაცივებულად მოსჩანან, წითელ სინათლეს უშვებენ; ზოგნი მოსჩანან ლურჯად, მწვანედ, მეწაშულად და ანუ ნელიად იცვლიან ფერს. შემდეგ არიან კიდევ ესრეთ წოდებულნი ცვალებადნი ვარსკვლავნი; ესენი არიან, მზენი რომელთაც წესიერად, მთელის კვირობით, თვეობით უსუსტდებათ სინათლე და შემდეგ კვლავ გაბრწყინდებიან. შესაძლებელია, ეს იმისგან არის, რომ ერთი მხარე ამ ვარსკვლავთა დაფარულია ბნელ ხენჯით და ვარსკვლავი გვეჩვენება უფრო ბნელად მაშინ, როცა თავის ღერძის გარშემო წესიერ მიმოქცევაში ამ ხენჯიან მხარეს მოგვაქცევს. ზოგჯერ ორი, სამი, ოთხი მზე შეერთებულია „მზის ერთ ოჯახად“ და ლურჯსა, წვინეს და ოქროს ფერს მზეებს დაჰყავთ ერთს

მეორის გარშემო საუცხოვო ფერხულნი თავიანთ პლანეტ-წყობისა. მაშასადამე, მათს პლანეტებზე ანუ დედამიწებზე ხან ლურჯი და ოქროსფერი და ხან მწვანე და წითელი დღეებია, ხოლო ღამეები იქ სხვა და სხვა ფერის მთვარეებით განათლებულია. ამაზე მეტიც: ზოგჯერ მზეთა რავდენიმე ოჯახი შეერთებულია ერთ დიდ დასად და ვარსკვლავთ-მრიცხველი აღტაცებით შეჰხარის მნათობთა ამგვარს აქრელებულს გუნდს, რომელსაც ერთი დიდი თეთრი მზე მწყისს თითქო და მეთაურობს.

მგერამ ვის შეუძლია გაიცინოს და აღრიცხოს სასწაულები, რომლებითაც ღმერთმა აღავსო ყველა თვისი ქვეყანა?

(და სინათლის ამ საკვირველ სამეფოებშიაც გვაგრძნობინებს თვისს მრისხანე მარჯვენას იგი, რომელიც ცეცხლ განამლვევლ არს (გბრაელ. 12, 29).)

ცამეტჯერ უკვე ვარსკვლავ მრიცხველებმა დაინახეს, თუ ასეთი ვარსკვლავები როგორ უცებ აინთებოდა უჩვეულო ბრწყინვალეობით, რაოდენიმე თვის განმავლობაში თანდათან ჰქრებოდა და რავდენიმე წლის შემდეგ სრულებით გაჰქრა. ვის შეუძლია, თუნდ ურწმუნოც იყოს, გაექკეს ამ დროს შთაბეჭდილებას, რომ ჩვენ შორიდან დავესწარიით მთელი ქვეყნის ცეცხლში დაღუპვას. ოდესმე ცის სხვა სხეულების მცხოვრებნი, თუ ამგვარებზე საზოგადოდ შესაძლებელია ლაპარაკი, დაინახვენ შორეულს პატარა ვარსკვლავს—ჩვენს მზეს ჩვენი დედამიწიანად მცხინვარე მგზებარედ და საუკუნო ღამეში შემავალად (2 პეტრ. 3, 10).

მეორე მხრით შვიდჯერ უკვე ვარსკვლავთ მრიცხველნი ცისკიდის დღემდე ბნელ ალაგებზე ზედავდენ უცებ გამოჩინებულ სინათლის წერტილებს, ახალ ვარსკვლავებს. ამ გვარად ჩვენც მოველით ამ, მზითა და მთვარით განათებულ დედა მიწის დაღუპვის შემდეგ, — ახალს დედამიწას. „და ჰლაქს მას არა უხმს მზე, ანუ მთვარე მნათობად, რამეთუ დადებამს ღვთისამან განსათლა იგი და სანთელი მისი არს კარგი იგი, და არა იყოს შენდა მზე ნათლად დღისა, არც აღმოსავალი მთაკარისა განცხათლებდეს შენ

დაქვის, არამედ იყოს შენდა უფალი სათელ საუ-
კუნე და ღმერთი დადებდა შენდა“. (გამოცხ. 21,
23; ისაია 60, 19)

განგებულად შენდა უფალი
ანბნურ მწირო.

(შემდეგი იქნება).



ილია ზაზაშვილი, *)

როგორც ლირიკოსი პოეტი.

(27 დეკემბ. 1837—30 აგვ. 1907 წ.)

„ნეტა, ვინც კარგის საქმით
აღნიშნავს თავის დროსა,
ის იქვე ეწაფება
უკვლავების წყაროსა!...“

ილია ზაზაშვილი.

როგორც ზეკითაც გეჭონდა მოსესებულთ,
სამოციან წლების საზოგადოებრივი ძარღვის ცემის
იხტებოდა ყმების გათავისუფლებას და თავისი მა-
მულის, უბედობლო საქართველოს თავდაცე-
ბულ სიყვარულში. ილია ზაზაშვილის ლექსნი უმ-
თავრესად ამ ორს უდადეს საგანს ესებოდა მთე-
ლი თავისი შინაწარმით და, ამიტომაც, ამის ლექ-
სებს ჭონდა დიდა პუბლიცისტური და ფილოსო-
ფიური მნიშვნელობა, რადგან ჩნებოდათ და გონე-
ბით მიძინებულ ერს უღვიძებდა უგეტყუო ცხოვრე-
ბის იდელებს და აქეზებდა ქართველთა საზოგა-
დობას სამოქმედოთ ამ კითხვების დაბტურესე-
ბით.

აი, ის ლექსნი, სადაც პოეტი მშრომელი ხალ-
ხის მდგომარეობას ხატავს წარსულის და აწმყო
ცხოვრებაში: „მესმის, მესმის...“, „გუთნის დე-
და“, „მუშა“, „პოეტი ანბნური“, „პოეტი
ანბნური“ და „პოეტი“.

მესმის, მესმის სახატრელი
სახლთ ბორჯილის სის მტკრევის!

დატანა, მაგრამ გულწრფელად გამოთქმულია

*) იხ. „ზინ. საქ.“ № 4.

ლექსია ჭაბუკი პოეტის, თუმცა პოეტური შიკ
არა არის რა.

„მუშა“-ში პოეტი ასწერს მუშის უოკელ
დღიურ ტანჯვას, რომელიც გრძელდება მისი საოკდი-
ლაძე. მოკვდება „უღმერთო შრომაში“ ისე, რომ
„ჭაღაბი მისი კერ დასხმის მდურე რემდსა“.
მეკურტნე მუშის ტანჯვის აღწერას ისე, როგორც
პლეშჩეკის მუშის აღწერაც მოკლებულია პოეტურ
აღმადრენას და წარმტაცი სურათებით დახატვას და
ამ მხრით ორივე ლექსი ბეკრად ჩამოუყარდება გრ.
ობლებიანის „მუშა ბოჭყლადეს“. ილია მუშა მა-
ინტ კერძო, ინდივიდუალური შრომის წარმომადგე-
ნეობა, მეკურტნე, რომელსაც საერთო არაფერი
აქვს ეგრეველ საქარხნო მუშასთან, რომელიც თვი-
სი შრომით ეწევა ფაბრიკაში ელექტრიკური წარ-
მოების დიდს უღელს. თუმცა მეკურტნის უოკელ
დღიური ტანჯული შრომა ჩვენშია: სიბრალულს
იწვევს, მაგრამ რა ეჭნათ, როგორ უშველოთ, სად
არის მეკურტნის გამოხსნის იდეალი, რომელმაც
უნდა აღგვიძვას, გული ატეკტოკოს და შეგწიროთ
ჩვენი სიარცისდეც ამ მეკურტნის გაბედნიერებას...

„გუთნის დედაში“ პოეტი ჭეშმარიტებას ამ-
ბობს, რომ შირუტევიით დამონებული ადამიანი
შირუტევესე უფრო უბედურია და გუთნის დედა
თავს ლაბას ეუბნება: „შენ კერ გაიგებ მტრეველის
ტანჯვას, როცა სიტყვას მართალს გულის
გლავს!...“

ამ ლექსის დაწერის დროს ჩვენში ბატონ-
უმობა სუფეკად და უბედური შინა-ყმის უღელი,
რათმა უნდა, ლაბას უღელზე „უფრო მსელი
იყო“. ამ გარემოებას კარგად ხედავდა და გრძნობ-
და კიდევ შინა-ყმს და ამიტომაც ამბობს, რომ „სი-
მართლისთვის დახლუნებელი აქვს მტრელი სმა-
ლი“, ესე იგი, კრატური უთქვამს ბატონ-უმობის
წინააღმდეგ და დამუნებულად.

„უჩაღის ცხოვრებიდან“ დაწერილია ეპიზო-
დის შინაწარმა ეველამ იცის და მის აქ აღარ მოკ-
ევები. აქ, ამ პოემაში, ჭაბუკი ილია უბრლოდ გა-
მოსთქვამს თავის აზრს და, ამიტომაც, არც ხმა-
რობს რატორიკას და პოეზიაც მეტად, კადრე სხვა
ლექსებში. უოკელი გულწრფელი გრძნობა გამო-
ითქმის ძლიან უბრლოდ. საფრანკეთის ერთი კრი-
ტიკოსი ამბობს, რომ მწერლები უნდა ბაძვდენ
ერის მხრე უბრლო, მდებობ სხლხის, რადგან იგი

უოკლეოის გუწრფედად გამოხატავს ხალხე თვის გრძნობებსო. ამაგარად ენა უნდა ემსგავსებოდეს, უახლოვებოდეს უბრალო აღმოკვანესას და უბრალო უესტებსო. ზოგმაში „რამდენიმე სურათი“ ილია ჭავჭავაძეს ბუნების აღწერა უბრალო ერთ აქის გამოხატული. ეს ამტკიცებს იმას, რომ ილიას ძლიერ ღრმად ხატვინობი ექნებოდა ბავშობიდანვე მისი მშობელი ვახეთის, „დიდი ალაზნის ჭალის“ მომხიბლველი ბუნება და ამ დიად გუღწრფედად გრძნობას არ მიუღია იმისთვის ნება მიემართნა რიტორიკისთვის და სრულად დაუმოწინილება იმისა ენა. როგორც ამ აღწერას, რომლის მსგავსიც არსად სხვა მის ლექსებში არ არის:

„სამშობლოს ცნა ბნელად გაშლილი
 მწუხრის ზეწარი გადაეფარა,—
 და მთვარის შუქზე მთებისა ჩრდილი
 ალაზნის ველზედ წამოიხარა.
 დამის გუმაგი, მუდამ მჭმუნავი
 მთვარე მეთურად მძლავლად ვიდოდა,
 მთებისა უხვიით ნაკვეთი თავი
 იმის სხივებთან მუსაიფობდა.
 შორნი მნათობნი მოკამკამენი
 იმ მწუხარს დამეს მხიარულობდნენ,
 მდუმარს ქვეყნას, ვით საყვარელნი,
 სხივებს ესროდნენ, ზედ დაჰსროდნენ,
 და იმ მნათობთა სხივის აღერსით
 ველს მშვენიერსა ჩასძინებოდა,
 მხოლოდ ნიავი მთისა მოდსენით
 ტუქში ფოთლებთან დაზღინდებოდა,
 და ალაზნი შეუზოვარი
 მხიოდა, თითქო ვაცს ემდუროდა,
 მის ბუტბუტს მარტო მთაი მდუმარა
 დაფიქრებულა უფრს მიუზერობდა.
 ვეკლას ეძინა, დღით ჰფიქრებდა რაღა,
 თითქო დაღლილა მიწაც და ცაღა!...
 მხოლოდ ვი ერთგან ურეში მძიმე
 მიჭრიალგება გზას აღვიბებდა,
 და ხალხიანად მასზედ მეურმე
 მწუხარს სიმღერას დაღუღუნებდა.
 ღუღუნა იგი ჩამრჩენა ველს,
 მწუხარე ა ის ვით გლოვის წარი,
 მაგრამ თუ ხალხელს მოჭებრს დახვარულს,
 ვეგჭებრას ვიადვი ვით ღრუბლის ქარი...“
 ამ სურათით თქვენ თვალწინ დაიხატება შვე-

ნიერი ბუნება ალაზნის სეობისა, მეუღროდ მიმინებული, რომელსაც მთვარის შუქი აღერსიანად დატყერის, თითქოს ტუბილ ხანას ეუბნებოდ. ამ შვენიერ სურათს შეავსებს „ურეში, რომელიც მძიმედ მიჭრიალგება“ და რომელზედაც მეურმე ხალხიანად დაღუღუნებდა თვის მწუხარს სიმღერას! ჩინებული სურათია!

რასაკვირველია, ჭაბუკი ზოგტი აქ შორს არის იქაღლებე. უნდა სიმართლე ვთქვათ, რომ მისი განდხატული ეს სურათი არის მხოლოდ ბავშური, თუმცა გუღწრფელი ცდა ხელაგნურად ვახეთის დახატვისა. მართალია, ეს დახატული სურათი ადამიანზე შთაბეჭდილებას მოახდენს, მაგრამ არ ისეთს, როგორც შეეფერება ალაზნის მართლად განსტორებულს ბუნებას. საზოგადოთ, დიდი ვაკისიის უშვენიერეს, სამოთხისებურ ბუნებას ასე, როგორც შავს ზღვას ჩვენში ვერ არ გამოიხიანა დიდი და დიხსეული აღმწერა, შესანიშნავი ტალანტის მქონი ზოგტი. ამ მხრივ ვეკლავ ჩვენ ზოგტიზე მაღლა დგანან აღექსანდრე ჭავჭავაძე და გრიგოლ ორბელიანი. მაგრამ ამ ნიჭიერმა ზოგტიებმა დაგვიტოვეს ცოტა ნაწარმოები.

იმედს არ ვკარგავ, რომ ჩვენს საზღვარში ბუნება აღზრდის თვის შესაფერის აღმწერს. ქართულ ლიტერატურას მოკლას დადი, უშვენიერესი და საკვირველი სურათები საქართველოს საკვირველი ბუნებისა, მოკლას დადი ზოგტიები, ძლიერი ხელაგნური ტალანტის მქონი მოკლასანი, რომელთაც ჩვენი უშვენიერესი ბუნება ჩაუდგამს სულს შემოქმედებისას და ძლიერის, საზღვარის ხმებიანად აამღერებს.

„რამდენიმე სურათში“ არის კარგი ადგილები, ზოგმაში ამაგიც შეინარსიანია, ეს შეინარსიც დასრულებულია და რითმაც კარგად არის დაცული. მაგრამ თვით ამაგი ვი ვერ არის ხელაგნურად დახატული. დიდი საინტერესო ადგილები სრულად უბრალოთ, მშრლად არის ხაზობი. იქ, სადაც მოქმედებაა და სადაც უნდა ემუშავა ზოგტის გამოღიერებულს ტალანტს, ილია ჭავჭავაძეს უსუსტადუა ხელაგნური ნიჭი. „რამდენიმე სურათში“ ცხადად ჩანს ილიას ხელაგნური ნიჭის სასუსტურადგან ეს სასუსტე არ არის დაფარული გაბილი, რიტორული ფრასებით, რომელნიც უოკლეოის ხორებს ჩვეულებრივს შეათხველს. ამიტომ

რომ ერთად განვიხილოთ მთელი ეს კარგი პოემა „რამდენიმე სურათი“ კრიტიკის შესახებ კერძოდ გაუძღვას ხელაგურის მხრავ.

პოემა „ახრდილი“ წმინდა რომანტიკული მიმართულების ნაწარმოებია. ეს ფრიად შესანიშნავი პოემა პოეტმა დაწერა 1860 წელს, ესე იგი, იმ დროს, როდესაც საქართველოში ბატონ-უმობა გადაკარდნილი არ იყო და ამიტომაც აქ, ამ პოემაში უმის მდგომარეობას, „შრომის შვილის“ გათავისუფლებას უძღვნა XI, XII, XIII, XIV და XV თავი. ამ პოემაშივე საქართველოს გაუბედურებას და დაცემის მიზეზებაც ნახვენება და მის მომავალზე წერუნვას და „მიამულის თავისუფლებას“ უძღვნის იგი შესანიშნავს სიტყვებს. მაგრამ „ახრდილის“ ამ მეორე სავანს შემდეგ შეკვებები და ახლა მინდა შევხერო მკითხველის ყურადღება იმაზე, თუ რა სიტყვებით აღწერა პოეტმა „შრომის შვილის“ მდგომარეობის გაუმჯობესობა. პირველად ჩვენში განსვენებულის პოეტის პოეზიის ამ მხარეს ყურადღება მიაქცია ქუთაისის ქალაქის წარმომადგენელმა და თავის სიტყვაში, რომელიც მან ცხედარს უთხრა, აღნიშნა, რომ ამ ორმოცდა შვიდი წლის წინათ ილიამ აღიარა:

„შრომის ახსნა—ეგ არის ტვირთი ძლევს მისილის ამ საუგუნის და ამ ზვიადმს საუგუნეს უნდა შეას იგი შრომის სუფევს...“

პოეტი ამბობს, რომ „შრომის ახსნისათვის“ ატყხილ ბრძოლაში „შრომის შვილს“ არ დაეხმარება არც ერთი სსუა წოდება, არც ძლეველი და გაჭარი, არც დად-გაცობა, რადგან

ის რათ ინდომებს ქვეყნის ბედსა, როს მასა შეკლის მის ბედგურულობა? რათ შეებრძვის ის საბოროტესა, როს შეოსებათ მისით თერთ რხება?..

„შრომის შვილის“ მარტო თვისი თავის იმედი უნდა ქონდეს ამ დიდ ბრძოლაში, რომ ძველი ქვეყანა დასტოროს და შრომა ეი განთავისუფლოს.

შრომა, ამ ქვეყნად ტყუთა ბურთილი, მძარცველების ქვეშ ჩაგრულ ვსებულა,

ხოლო რღვეულა მისი ბორკილი და დასამსხვრეკლასთ გამზადებულა.

ამ ნადაგზე აღმართულ „კაცთა ლეღვის დიად შვირთს“ კვლარ გაუძღვას ქვეყნის მძარცველი“ და „შრომის სუფევს მოვა მამინ“, რომელიც გამოიხატება შემდეგში:

მამინ, მამურალო, შენც განკაცდები, წართმეულ ნიჭთა კვლავ მოიპოვებ, სხვა: ძირს არ დასწევ, თვით ამოდღები, არც ვის ემონვი და არც იმონვი.

ხომლელი.

(შემდეგი იქნება).



კვირილა კვიროზაძე.


სამეურნეო ლეგია. 7 თებერვალს სალამოს ბ. ნიკო მეურნელმა წაიკითხა დ. ახალსენაგში ლექცია შემდეგ თემზე: „მეურნეობა მეტრელოში და მისი განაურნებულება საშუალებანი.“ ლექციას დიდ ძალი საზოგადოება დაესწრო და კარგი შთაბეჭდილებაც მოასწარა. ადგილობრივ დაარსდა სამეურნეო საზოგადოება, რომელსაც ბ. ნიკო ვიჯიხიამ შესწირა ორი ქრეკა ადგილი სამაგალითო მინდურისათვის. ბ. ნიკო მეურნელმა ასეთ ლექციების წაკითხვას სსუა და სხვა შესაფერ თემებზე აზიარებს სსუა და სსუა ადგილზე. თუ რომელიმე საზოგადოება ისურვებს და მიაწვევს, ბ. მეურნელი მზადა თავის ხარკით გამოართოს ადგილობ ასეთი ლექცია. სამწუხაროა, რომ ბ. მეურნელს სამსახურისა გამო მსოლოდ კვირაობით და უჭმ დღეებში აქვს თავისუფლება. ამ მიზეზის გამო სასურველია, რომ ვრებება სადმე დაბებში მოხდებოდეს ან რეინის გზის სადგურებზე. ასეთი პროზაგანდა სამეურნეო ცოდნისა დიდ საარკებობას მოუტანს ჩვენს კულტურულად დაქვეითებულ სოფლის მუშას, ამისთვის სასურველია, რომ უოფილი ს. დემოკრატიული პროზაგანდა, რომელმაც აქდენი ცრემლი და სასხლი შესწირა რადგ ცდნებას, შეიცვლებოდეს ამ მშეიდობიან პროზაგანდაზე. ვისურვებთ, რომ ბკერი მოხდავი გამოუჩნდეს ბ. ნ. მეურნელს ამ კეთილ საქმეში.

უოვლად სამღვდლო კებრის ბარდა-ცვალება. ნ თებერვალს თბილასში გადაინგვალს გორის ეპისკოპოსი, შირველი გაკარნი ექსარსოსისა, პეტრე. მიტოვებული 7 თებერვალს სიონში გამოსვენეს, სადაც გადახდილ იქმნა წირვა და მანაშვიდი, ხოლო კვირას გასვენეს ალავერდში, სადაც დაკრძალავენ საკრებულთა ტაძარში. ამობენ, მიტოვებულს 13 ათასი მანეთი დარჩენია, რომელთაგან 6000 მანეთი შეუწირავს თავის სამშობლო სოფლისთვის ეკლესიის ასაგებად, ხოლო დანარჩენი სხვა და სხვა სკოლებისა და საქველმოქმედო დაწესებულებათათვის.

ადმრდელი ქალის დანიშნვა. გაბრიელის საქალებო სასწავლებლის საბჭოს ერთ-ერთ აღმზრდელ ქალის ადგილზე გაუნწესებია ვილან სელაქის ქალი. როგორც გავიგეთ ეს ქალი ვახელი უნდა იყოს, ინსტიტუტში კურს დამთავრებული. ჩვენ ვერ ვიცნობთ ქან სელაქის, შეიძლება იგი ღირსი იყოს არა თუ ასეთ პატარა ადგილისა, როგორც აღმზრდელისა, არამედ უმეტესისა, ამიტომ წუნსაც ვერ დაგსდებთ ამ მხრით მატარებულ საბჭოს არჩევანს. მხოლოდ აღვნიშნავთ, რომ ამ ადგილზე ნაკლებად აღარ გამოდგებოდენ ისევე იმავე გაბრიელის სასწავლებლის კურსდამთავრებული, რომლებიც, უნდა შეგნიშნოთ, ძრაველ გულანტკეხი არაან და სამართლიანად გვისაუკუდურებენ, თუ ასეთ ხელობაში აღარ გამოდგებიან, რადთ გვაწავლებენ 8—9 წლის განმავლობაში. აგრეთვე ისიც აღვანიშნავთ, რომ ადგილობრივი სამღვდლოება, რომლის ზურგზედაც აღმოცენდა და იკვებება ეს სასწავლებელი უოველთვის თხოულობდა და დღესაც თხოულობს, რომ ისეთი ადგილი ამ სასწავლებელში, რომლის ღირსნიც აღმოჩნდენ, ისევე ჩვენ ქალებს მიაგვსო. იმასაც ნუ დავივიწყებთ, რომ საბჭო ასეთი ქვეყნით თვითვე უთხრის საფლავს თავის სასწავლებელს. ჩვენ მხოლოდ ერთი შეგვიძლია ურჩიოთ სასწავლებლის საბჭოს: თუ თავისივე უოფელი მოწაფეები ღირსად არ მიაჩნია ასეთი მდინე ადგილებისა, როგორც აღმზრდელთა, შეუძლია ადგილობრივ გიმნაზიაში კურს დამთავრებული მღვდლის შეიღებინ იბოკოს და ეს, თავის მოწაფეთათვის უღირსი ადგილია, მათ მისცეს, თორემ ეს ი. ქრისტეს ცნობილ მასწავლებელს.

გვაგონებს, რომელად მან უთხრა ქანსელ დედაცაც...

პარის მღვდლები. მას შემდეგ, რაც ხალხს უარი ათქმევინეს სამღვდლოების შენახვაზე, გვიქრობდით სამღვდლო განდიდატები აღარ გვეყოფებოდა. მაგრამ ასეც არ უოფილა საქმე. მღვდლობა ურეველთადაც სასურველი უოფილა ზოგიერთათვის. ამ ცოტა ხანში ოთხი მღვდელი ეკურთხა შირაშხის მაზრის სხვა და სხვა სასახლის ეკლესიებზე. თუ ეს გარემოება ნამდვილი სარწმუნოებრივი გრძნობის შედეგია, სწორეთ რომ სასახლურული და სასაქადული ამბავია. ხოლო თუ აქ სასახლის ეკლესიების პატრონების მხრით მხოლოდ ანგარება მოქმედებს, და ახალი მღვდლების მხრით სხვა ანგარიშები, მაშინ რაღა მოგახსენოთ, თვით სამღვდლო ხარისხიც სავაჭრო საგნით გამოსდარა და ჩვენ არა დაგვრჩენია-რა მის მეტა, რომ მწარედ ვიგლოვოთ ეს ახალი უბედურება, და თუ შეგიძლიათ კებრძოლოთ ამ არა სასურველ მოვლენას.



სკოლების რევიზიისა და მართვა გარეშობისა ახალი საშუალება.

საკირო არ არის მეთვალყურე სოფლებში იაროს სკოლების დასათვლიერებლად. ეს, სწორეთ მოგახსენოთ, მოსაწყენი და სახლათფორთო საქმეც არის, განსაკუთრებით ზამთრის თვეებში და ისიც ჩვენ აღამისეულ გზებში. თანაც ვინ იცის, ათასი ყაჩაღობა და უბედურება; შეურაცხების მიღებაც აღვილი მოსალოდნელია. იმას არა სჯობია, შინ ბრძანდებოდე თბილ ბუხართან შალ წამოსხმული ფეხს არ ისეველებდე და სკოლების საქმესაც განაგებდე? იქნებ ვინმე იკითხოს, რა ნაირად მოხერხდება ესო? რას არ მოიგონებს იმერელი კაცის გონება, მისთვის ყველაფერი მოსახსენებელია, ყველაფერი აღვილია. მაგ. გარეთ გამოუსვლოლიად სკოლების რევიზიის თეორია ასეთია: 1) უნდა დაეკლო მასწავლებელს, ჩამოვიდეს თუ არა ქალაქში შენ (ე. ი. მეთვალყურე) გნახოს და თან მოსწავლეების ნა-

წერები წარმოგიდგინოს; თუ კარგი ნაწერია, ხომ მასწავლებელიც მუყაითი ყოფილა და შენ სკოლაში რაღა გინდა, თუ გლახა — და მასწავლებელი ხელში გყავს, დაარიგე, განუმარტე, შეისწავლე, შეასმინე და გაისტუმრე; სკოლაში წასვლა მაინც აღარ გჭირდება. მეორეთ რომ გნახავს, იცოდე, კი ნაწერებს წარმოგიდგენს; შეიძლება ეს ნაწერები მისი (თვით მასწავლებლის) საკუთრებაც იყოს, ან სხვა გარეშე ვინმეს დაწეროს, მაგრამ შენ რა? სკოლის სახელი ხომ ჰქვია? დაიტოვე და წარადგინე საბჭოში. იმასაც რა ენაღვლება, თუ კი მეთვალყურე ამბობს საქმე კარგად მიდისო. 2) ხანდისხან თუ გარეთ გამობრძანდე (თუმცა დიდი საქირო არ არის) და სკოლის გამგეს ან დიაკონ-სტაროსტას ან ვინმე მახლობელ მეზობელს შეხვდე, გამოკითხე, მასწავლებელი ხომ არ ზარმაცობს, სკოლაში ხომ დაიარება, ხომ შრომობს თქო. თუ დასტური მოგცენ, სკოლაში რაღა გინდა, საქმე კარგად ყოფილა, თუ არა და საბჭოს მოახსენე, მასწავლებელი ზარმაცობს თქო და იმ წამსვე გაგათავისუფლებენ მცონარისაგან და ვინც მოგწონს დაგინიშნავენ. შეიძლება ვინმე სთქვას, შრომაც არის და შრომაცო. ზოგიერთ შრომას სულ რომ არაფერი აკეთო, ის სჯობიაო. კრილოვის დათვიც შრომობდა, როცა გლესს ბაძავდა უღლების კეთებაში და ხეებს ლეწავდაო, მაგრამ ამასაც ხომ ნაყოფიერ შრომას ვერ დავუძახებთო! ეს ასე გგონია შენ, ჩემო მოკამათე, თორემ ყოველი შრომა კარგია. ნაყოფს რას დასდევ? ხელის მოწერას ხომ მაინც მასწავლის ბოკში და ესეც დიდი ამბავია სოფელელ გლეხისთვის. 3) რაც შეგიძლია, ეცადე გამგე და მასწავლებელი ერთმანეთს გადაკიდო, გადაამტერო. ამით ძრიელ შეიმსუბუქებ შენ მძიმე ტვირთს. ერთმანეთს გადაკიდებული გამგე და მასწავლებელი ჯაშუშებათ გაგიხდებიან და უხვად მოგაწვდიან ერთმანეთის ამბავს. შეიძლება გადაამტერებულნიც რამე იქნეს ამ მოხსენებაში, მაგრამ შენ რა? საბჭოს მოახსენე და გაყრის მოსისხარ გამგე-მასწავლებელს; შენ მაინც პარნათელი ხარ. შეიძლება გამგისა და მასწავლებლის გადაამტერებით სკოლაც დაიხუროს, მა-

გრამ ეს უკეთესი: სადაც საქმე კარგად არ მიდის, იქ სკოლა უთუოდ უნდა დაიხუროს; მეთვალყურის საქმე მხოლოდ რევიზიაა და არა სკოლის კარგ ნიადაგზე დაყენება. 4) რაც შეიძლება ავინე გამგეც და მასწავლებელიც, ეს მარგებელია ორი მხრით. ერთი რომ ხსენებული პირები არ გაამპარტვანდებიან, მეორე ნაგინები რომ საქები გამოვა, ნაქები ხომ უსაქებულესი იქნება და ეს შენ ნდობას მოგიპოვებს საბჭოს თვალში; სკოლასაც მოუხდება, რაღა თქმა უნდა, გამუყაითდებიან, რომ ქება დაიმსახურონ. 5) მღვდლები და ბლაღოჩინები ლანძღე; მათი ბრალია თუ სკოლაში კარგად არ მიდის საქმე; ჯეროვან ყურადღებას არ აქცევენ საქმეს, არაფერს ატყობინებენ მეთვალყურეს. 6) მასწავლებელს ბევრ ჯამაგირს ნუ დაუნიშნავ, თავს გაუფა. სოფელში — „ზანალუსტიეში“ ხუთი მანეთიც საკმარისია თვეში. თუ სალდათობისგანაც თავს იფარავს, მეტი რა უნდა? მეტ ფულს მეტი გართობა მოსდევს, მეტ გართობას კი მეტი ცდენა და ეს სკოლისთვის სარგებელი არ არის. 7) თუ ხელქვეითი თანაშემწეები გყვანან, უციცხინე, რაც შეგეძლოს, დაავალე თვეში ორ-ორჯერ შემოირბინონ თავის რაიონის სკოლები. საქირო არ არის მაინც და მაინც სკოლაში დიდი ხანი დაჰყონ, ბავშვები გამოცადონ, მასწავლებლების გაკვეთილებს უყურონ, სამაგალითო გაკვეთილები უჩვენონ, გამგე ინახულონ და გაამხნეონ, ხალხს სკოლის საქიროება აუხსნან და სხვა ამისთანები. ეს მეტია. საკმარისია სკოლაში შეიხედონ, არის თუ არა მასწავლებელი. 8) თვითონ თქვენ თუ ოღესმე გასეირნება მოგიხდესთ, თავს ნუ შეიწუხებთ სკოლაში შესვლით, გამოცდილი თვალი და ყური შორიდგანაც მიხვდება, რა ხდება სკოლაში, არის თუ არა მასწავლებელი. საქმე თუ კარგად გაქვს მოწყობილი, ე. ი. თუ გყავს საკმაო ფრთხილი, დაუძინებელი აგენტები, რომლებიც თავთავის დროზე გატყობინებენ ამბავს, ესტიბარს ნუ გაიტყებ, სწორე ქაღალდები და აგზავნე საბჭოში. ხან ტყუილი მოხსენებაც რომ გამოგივიდეს, არა უშავს, მაინც დაგიჯერებენ. 9) უფროსი აქე, უნკროსს ნუ დაზოგავ, უკანასკნელის ლანძღვაზე ააშენებ შენ

ბედნიერებას. ეს ცხრა ნიკნება გახლავთ ჯერ-
ჯერობით ნაცადი და შემუშავებული. თუ რამ
კიდევ ახალი შეიმუშავებს, იმასაც მალე შეგა-
ტყობინებთ, ჩვენო მოწყალე მკითხველე-
ბო!...

კინკლეთული.



X უველაფერი ოქრო არ არის, რაც ბჭევიან-
ლეის.

ჩვენს მკვირალა მოწინავე ასაღვანდების ხეო-
ბრავი სახე თანდათან ირკვევა. გუშინ, რომ პატი-
ოსების და სინდისის ტარებად გეჩვენებოდნენ,
დღეს უსინდისობის და უპატიოსნების წუმქეში
ცურავენ და თავის ჯამში გრძობენ თავს. გუშინ
რომ მშობას ეფიცებოდნენ ერთმანეთს, დღეს მოსის-
ხარი მტრები არიან, გუშინ რომ ერთობას ქადა-
გობდნენ, დღეს პირად ინტერესებში გაქვებიან, გუ-
შინ რომ ბატონობას აძგებდნენ, დღეს გაბატონე-
ბას დამობენ და ისიც ისეთი საქციელით, რომელ-
საც მათგან უარყოფილი ძველი რეჟიმის მომხრე
კი ითავილებდა. მერმე სად ხდება ასეთი ამბები?
მასწავლებელთა წრეში, იმ წრეში, რომელიც ხეო-
ბრავი სისპეტაკის მაგალითს უნდა წარმოადგენდეს
უსუსურთა შესახებდავთ მანც. ჭკავს თქმა ერთი
და საქმე მეორე. ჭკავს ღვიხოს ასახსნა კერ იტ-
კითხებს თხარა ძველი. ჩვენს აზრის დასასურა-
თებლად მიუთითებთ გ.ზ. „დროების“ № 26-ში
მოთავსებულ ლაღო ნაცვლიშვილის წერილზე, რომ-
ლიდგანაც ადვილად წარმოადგენს მკითხველი თუ
რამდენად დასურდა და ხეობრავად დაეცა ჩვენა
რჩეული ასაღვანობა, რომელიც ამ ცოტა ხნის
წინეთ სელისსელ საგანგებულ მარგალიტებად
მიანდათ და თითოეულ მათ სიტყვას ჰყარში იჭერ-
დენ და სისარბით უღაპრებენ.



**ფიქარი და მოგონებანი საქართველოს
ეკლესიის აწყრო და უოშილ მდგომარე-
ობაზე.**

(გაგრძელება.)*

არ შეიძლება ითქვას, რომ საქართველოს
სამღვდლოებაც ყოველთვის მდგარიყოს თა-
ვის მოციქულებრივ ღირსების სიმადლეზე. მი-
სი საუკეთესო მოძღვრები თითონ გრძობენ
და დაუფარავად აღიარებენ; რომ ქართველი
სამღვდლოება თავის უმრავლესობით არ შე-
ეფერება თავის დანიშნულებას. ბევრი მღვდ-
ლი არც კი სცხოვრობს თავის სოფლის სამ-
რეკლოში, რადგანაც ამას ამჯობინებენ უფრო
მხიარულ და ცხოვრების საშუალებით სავსე
ქალაქს, ხოლო ამ დროს მათი ტარები რჩება
უწირავ-ულოკავი, მიცვალეულები წესაუგა-
ბელი, ყრმები დაუნათლავი. რა უნდა მისცეს
ავტოკეფალიამ ხალხის კეთილ-წესიერების და
სარწმუნოებრივ აღფრთოვანების ასეთ საშიშ
დაცემის დროს. ქართველი ხალხი — არა მხო-
ლოდ ინტელიგენტი, არამედ უბრალო ხალ-
ხიც — თავის უმრავლესობით გულგრილად ეკი-
დება სარწმუნოებას და სრულიად არ აინტე-
რესებს თავის ეკლესიის რაღაც ავტოკეფალო-
ბა. მართლა და სულ ერთი არ არის მისთვის
რომელ ენაზე სრულდება წირვა-ლოცვა ეკ-
კლესიაში, სადაც იგი არ დაიარება? სულ ერ-
თი არ არის მისთვის ვინ სდგას ეკლესიის
სათავეში რუსი ექსარხოსი, თუ ქართველი ქა-
თალიკოსი, თუ მან დაჰკარგა პატივი სამღვთო
ხარისხისადმი და შეუძლია სრულიად არ მოი-
საკლისოს მღვდელი? ამისათვის მეტად საეჭვოა
ავტოკეფალისტების იმედები, ვითომ ხალხში
კეთილ-წესიერება დამყარდება შემდეგ ავტო-
კეფალობის აღდგინებისა. მეორე მხრით განა
შესაძლებელია მისი თავდებობა, რომ ავტო-
კეფალური სამღვდლოება უფრო გამსჭვალუ-
ლი იქნება თავის მოვალეობის შეგნებით, უფ-
რო აღფრთოვანებული საეკლესიო იდეალე-
ბით, ვიდრე ეხლა, რომ ავტოკეფალური შე-
ნობა არ გამოიწვევს ახალ არეულობას (СОЛО-
ЖЕНІЯ) თვით ეკლესიის მართვა-გამგეობის

* იხ. „შინ. საქ.“ № 4.

ორგანიზაციაში? ამის თავდებობაც ძნელია. ყოველ შემთხვევაში თანამედროვე ქართველ ხალხის ცხოვრებაში არიან ფაქტები, რომლებიც სულ სხვას გვეუბნებიან. ქართველ ხალხის სხვა და სხვა ტომთა შორის ახლაც შენიშნულია უთანხმოება (АНТАГОНИЗМЪ), თუმცა ეს უკმაყოფილება ჯერ დაწვლილებითია და ამიტომ გამოუჩინარი. ქართველი კახელები და ქართველი იმერლები დღესაც არ აჯილდოებენ ერთი მეორეს ნაზი გრძნობებით. რა იქნება შემდეგ ავტოკეფალიისა? უთუოდ ეს — იმერლები არ მიიღებენ კახელ კათალიკოსს და თავისას მოითხოვენ. ასეთ ფაქტებს ადგილი ჰქონდათ საქართველოს საეკლესიო წარსულ ისტორიაშიდაც. ამნაირად ძნელად თუ შეიძლება ითქვას, რომ ავტოკეფალობა გამოიწვევს ხალხის კეთილწესიერების აღორძინებას, გაუორკვეცს მოძღვრულ შურს (ревность) საქართველოს სამღვდელთაგან, და ასცილდება ყოველგვარ უსიამოვნობას საეკლესიო მართვა-გამგეობის ორგანიზაციაში. ამას გარდა უნდა ვიქონიოთ სახეში, რომ ქართველები ყოველი მხრით შემოზღუდვილი არიან ისლამის აღმსარებლებით მათი მტკიცე სარწმუნოებრივი ყოფა-ცხოვრებით, ხოლო მათთან ახლოს ბუდობს, მეომარი კათალიკობა, რომელიც უკვე დიდი ხანია ისერის აქ თავის ბადეს ბევრი თევზის დაქირვის მოლოდინში. აი ყველა ამებზე საჭიროა მაგრად მოიფიქრონ ქართველ ავტოკეფალისტებმა და აგრეთვე რუსის საეკლესიო მართველობამ, როცა სწყვეტენ ავტოკეფალობის საკითხს.

ვასურათებ რა დაღვრემილ, მაგრამ სრულებით არა მომეტებულ, ფერადებიან საქართველოს ეკლესიის თანამედროვე მდგომარეობას, მე უნებლიეთ გადავდივარ გონების თვალთ იმ წარსულ ისტორიულ სივრცეში, როდესაც სახარების უბრწუნელმა საღვთო სხივმა პირველად გააბრწყინვა საქართველოს მშვენიერი ქალები. ახალგაზდა, უბიწო ქალწული — წმიდა მოციქულთა სწორი ნინა, ლეთისმშობლის ბრძანებით, მიუხედავად თავის სქესური სისუსტისა, მიეშურება შორეულ უცხო ქვეყა-

ნაში ქრისტიანობის საქადაგებლად ერთად ერთი იარაღით ხელში — მისივე თმით შეკრული ცხოველმყოფელი ჯვრით. უბრალო ენით უქადაგებს იგი გულის გამგემრ სახარების მოთხრობებს. ღმობიერად და სიხარულით უსმენენ მას კავკასიონის მთების გმირნი მცხოვრებნი და მათ სულში, რომელსაც ჯერ კიდევ არ შეხებია ცივილიზაცია და რომელსაც ამიტომ შენახული ჰქონდა პირველყოფილი გრძნობა და ბავშური მიძლეობა, ენთება ალი ჯვარცმულისადმი სიყვარულისა.

(შემდეგი იქნება).

რედაქტორი, მღვდელი **სიმონ მგვლიჩაძე**.
გამომცემელი **იოსებ ლეჟავა**.

გ ა ნ ც ხ ა დ ე ბ ა

გამოვიდა და ისყიდება
სახელმძღვანელო სამღვთო სჯულისა „მკველი აღთქმა“ — დეკ. ნ. უუბანეიძეილისა
შ ა ს ი 50 კ.

გამოვიდა და ისყიდება ავტორთან „შინაური საქმეები“ რედაქციაში
ახალი ქართული სახელმძღვანელო წიგნი მოკლე საეკლესიო ისტორია დეკ პ. სმირნოვისა, საქართველოს საეკლესიო ისტორიის შესანიშნავ მოვლენათა დამატებით. ფასი **60 კ.**, ვინც 10 კალზე მეტს გაიწერს 10 პროც. დაეთმობა.
იქვე ისყიდება წიგნაკი „ქრისტიანობა ბებელის ლაბორატორიაში“ კრიტიკული შენიშვნები ცნობილ ბებელის წიგნაკზე „ქრისტიანობა და სოციალიზმი“ ფასი **10 რიპი ზაური**.